



## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Diploma Childeberti Regis.

**urn:nbn:de:hbz:466:1-11261**

S. Leuitæ ac Martyris dedicari fecit. In qua non  
minimam vasorum partem, quæ eum à Toleto  
aportasse supra memorauimus, cum capsis Eu-  
angeliorum, cruces quoque mirifici operis, alia-  
que deuotus excellentissima contulit munera.

## DIPLOMA CHILDEBERTI Regis.

**C**hildebertus Rex Francorum, vir illustris.  
Recolendum nobis est, & per pensandum  
utilius, quod hi qui templa Domini Iesu Christi  
reædificauerint, & pro requie animarum ibi-  
dem tribuerint, vel in alimoniam pauperum ali-  
quid dederint, & voluntatem Dei adimpleue-  
rint, in æternâ requie sine dubio, apud Dominum  
mercedem recipere meruerint. Ego Childeber-  
tus Rex vñà cum consensu & voluntate Fran-  
corum & Neustrasiorum, & exhortatione san-  
ctissimi Germani Parisiorum vrbi Pontificis, vel  
consensu Episcoporum, cœpi construere tem-  
plum in vrbe Parisiaca prope muros ciuitatis, in  
terra quæ aspicit ad fiscum Isciacensem, in loco  
qui appellatur Locotitie: in honore S. Vincentij  
Martyris, cuius reliquias de Spania apportau-  
imus, seu & sancta Crucis, vel Sancti Stephani,  
& Sancti Fetreai, & Sancti Iuliani, & beatissi-  
mi Sancti Gregorij, & Sancti Geruasij, Protha-  
sq, Nazarij, & Celsi pueri, quorum reliquiae ibi

junt

sunt consecratae. Propterea in honore Domini-  
rum Sanctorum, cedimus nos fiscum largitatis  
nostræ, qui vocatur Isciacus qui est in pagis Pa-  
risiorum prope alueum Sequanæ; vna cum omni-  
bus quæ ibi sunt aspecta, cum mansis, comma-  
nentibus, agris, territorijs, vineis, siluis, pratis,  
seruis, inquilineis, libertis, ministerialibus (præter  
illos quos nos ingenuos esse præcipimus) cum om-  
nibus appenditijs suis quæ ibi aspiciunt, cum om-  
nibus adiacentijs quæ ibi adagunt, cum omnibus  
quæ nos deseruiunt tam in aquis vel insulis,  
cum molendinis inter portam ciuitatis & tur-  
rim positis, cum insulis quæ ad ipsum fiscum ad-  
iacent, cum piscatoria quæ appellatur Vanna,  
cum piscatorijs omnibus quæ sunt in ipso alueo  
Sequanæ, sumuntque initium à ponte ciuita-  
tis, & sortiuntur finem ubi alueolus veni-  
ens Sanara præcipitat se in flumen. Has  
omnes pescationes quæ sunt & fieri possunt in  
utraq[ue] parte fluminis, sicut nos tenemus &  
nostra forestis est, tradimus ad ipsum lo-  
cum, ut habeant ibidem Deo seruientes vi-  
etum quotidianum per succendentia tem-  
pora.

Damus autem hanc potestatem, ut cu-  
iuscumque potestatis littora fuerint, utriusque  
partis fluminis teneant unam pecticam terræ  
legalem, sicut mos est, ad ducendas naues &

redu-

reducendas, ad mittenda retia & retrahenda, absque vlla refragatione. De argumentis vero per quae aues passunt capi super aquam, pricipimus ut nulla potens persona inquietare audeat fumulos Dei, sed omnia securè teneant, possideant per infinitas temporum successiones.

Et cum arēis & casis in Parisijs ciuitate, cum terra & vinea & oratorio in honore Sancti Andeoli Martyris, que de Heario & Cecaunio, dato pretio comparauimus: omnia & ex omnibus, quidquid ea nos deseruierint, in postmodum pro requie animæ meæ, quando Deus de hac clarissima luce dederit discessum, ipse fiscus qui vocatur Isciacus, cum omnibus quæ ibi sunt aspecta, ipso die ad ipsum templum Domini quod nos edificamus deseruiat, & omnia quæ ibi sunt opus, tam ad lumen quam in Dei nomine ad stipendia seruis Dei quos ibi instituimus, seu ad ipsos rectores qui ipsos regere habent: omnia & ex omnibus ibi transoluant, eiusque temporibus, & per longa annorum spatia, ad ipsum templum Domini absque contradictione, vel refragatione, aut iudicaria contentione, inspecta ipsa præceptio, omnique tempore proficiat in augmentum.

Et vt



Et ut hæc præceptio cessionis nostra futuris temporibus Deo auxiliante firmior habeatur, vel per tempora inuiolabiliter conseruetur, manibus proprijs vel nostris signaculis. subter infra decreuimus roborare. Datum quod fecit mensis Decembris die sexto, anno 48. postquam Childebertus Rex regnare cœpit. Ego Valentianus, Notarius & Amanuensis recognoui.

Obiit autem Chilpericus Rex anno 559. teste Sigiberto, in hoc suo monasterio conditur.

## CAPUT VII.

*Lerinense S. Honorati monasterium, vulgo Lerius, in diœcesi Grassensi, regni Gallie.*

**E**st illustris hæc Abbatia sita in insula Lerina seu Lerino, quam Plinius & Strabo Leronem vocant, in diœcesi Grassensi.

Ex hoc monasterio prodierunt viri quam plurimi sanctitate ac scriptis illustres ut s. Hilarius Archiepiscopus Arelatensis: s. Honoratus; Vincentius Lerinensis; libello aduersus hæreses scripto notissimus; Faustus Reginensis Episcopus & alij.

Accessit hoc monasterium, Congregatio ni Cassinensi, anno Christi 1515. ut constat ex diplomate Leonis X. Plura vide apud chopi num lib. I. Monasticon tit. 1. & infra cap. 92.

FON